



Broj: 15-03-16-5-60-52/22  
Datum: 21.10.2022. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14 i 59/22), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

### **O D L U K U** **o poništenju postupka nabavke**

#### **Član 1.**

Poništava se postupak javne nabavke **система за виртуелизацију – LOT 2 – додатне мрежне и сигурносне опреме**, objavljen na Portalu javnih nabavki Bosne i Hercegovine, Obavještenje o nabavci broj 1110-1-1-58-3-82/22 od 25.8.2022. godine, a koji je proveden otvorenim postupkom.

#### **Član 2.**

Ova odluka se dostavlja grupi ponuđača u roku od tri (3) dana, a najkasnije u roku od sedam (7) dana od dana donošenja.

#### **Član 3.**

Ova odluka stupa na snagu danom donošenja.

### **O b r a z l o ž e n j e**

Nakon preduzetih aktivnosti, Komisija za provođenje postupka javne nabavke sistema za virtuelizaciju (u daljem tekstu: Komisija) je konstatovala da je rok za prijem ponuda u postupku 10.10.2022. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) za LOT 2 dodatnu mrežnu i sigurnosnu opremu pristigla jedna (1) ponuda i to grupe ponuđača Konzorcijum Telegroup d.o.o. Banjaluka i Roaming Networks d.o.o Banjaluka. Neblagovremenih ponuda nije bilo.

Komisija je prema uslovima i specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-60-48/2022 od 19.10.2022. godine, u kojem su detaljno obrazloženi razlozi za poništenje postupka javne nabavke.

U skladu sa navedenim zapisnički je utvrđeno da ponuda grupe ponuđača Konzorcijum Telegroup d.o.o. Banjaluka i Roaming Networks d.o.o Banjaluka dostavljena na propisan način, uvezana i numerisana u skladu sa zahtjevima iz Tenderske dokumentacije. Zatim je



izvršen pregled i ocjena ponude u smislu da li postoje razlozi za isključenje ponuđača, kao i analiza ispunjavanja uslova za ličnu, ekonomsko – finansijsku, tehničku i profesionalnu sposobnost ponuđača, te je utvrđeno da je ova grupa ponuđača kvalifikovana jer su na propisan način dostavljeni svi traženi dokumenti i dokazi za kvalifikaciju.

Pristupljeno je, potom, analizi ponude u pogledu ispunjenja zahtjeva prema opisu predmeta nabavke i tehničke specifikacije propisane Tenderskom dokumentacijom, nakon koje je utvrđeno da u dostavljenim dokumentima proizvođača opreme za svu opremu LOT-a 2 nije vidljivo da ponuđena oprema zadovoljava sve tražene tehničke karakteristike. Cijeneći navedeno Komisija je zaključila da ponuda grupe ponuđača Konzorcijum TeleGroup d.o.o. Banjaluka i Roaming Networks d.o.o. Banja Luka ne ispunjava sve zahtjeve u pogledu opisa predmeta nabavke i tehničke specifikacije.

Po provedenim aktivnostima pregleda i ocjene jedine pristigle ponude, Komisija je utvrdila da ista ne ispunjava sve zahtjeve u pogledu opisa predmeta nabavke i tehničkih specifikacija postavljenih Tenderskom dokumentacijom, zbog čega je predložila donošenje odluke o poništenju ovog postupka javne nabavke, u skladu sa članom 69. stav (2) tačka d) Zakona o javnim nabavkama.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane Agencije u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X



DIREKTOR

Dr. sc. Arif Nanić

дигитално потписано / digitalno potpisano / digitally signed  
Signed by: RTRBIC